

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

Exegesis

[urn:nbn:de:bsz:31-122776](#)

dicitur, quæ fuit filia Regis Angliae, & tempore Pipini & Caroli Regum Gallie, Abbatissam egit in eœnobio Heidenheimensi. Olim in Papatu pro Dea frumenti habita est, sicut Ceres apud Ethnicos, & quia communis opinio tum fuit, & adhuc obtinet, veneficas hâc nocte conventus instituere, chores agere, & grandines, erucas, frigora, aliasque frugibus minus proficuas tempestates excitare, imploratum est Walpurga auxilium, ut malum illud arceat & fruges in hominis emolumentum custodiat. Nos missâ hâc idolatriâ ad Deum confugere debemus, sine cuius permissione Diabolus ne pediculum quidem efficere potest, Ex. 8. v. 18.

Jam prælectam Evangelii pericopen ad manus sumemus, quæ tres partes complectiuntur, ut sunt

- I. Christi consolatio.
- II. Thoma interrogatio.
- III. Philippi sollicitatio.

J.J.

## EXEGESIS.

**E**cce ego consolabor vos, inquit Jehovah, quis tu ut timeas ab homine mortali, & à filio hominis, qui quasi fœnum aresceret? Esa. 51. v. 12. Hoc ipso opere demonstrat in prælecta pericope, ubi varia adhibet argumenta consolatoria, quibus discipulos suos per concionem suam de abitu nimirum perturbatos, erigit, & quidem

I. *Timoris expulsione*, quando ait: Ne turbetur cor vestrum. Ubi non simpliciter omnem perturbationem prohibet, quæ in rebus humanis frequentissima est, sed nimiam duntaxat & immoderatam, quæ cum desperatione sepe conjuncta est. Ita perturbantur ethnici, qui spem non habent, I. Tess. 4. v. 13. justus autem in morte etiam sperat, Prov. 14. v. 32. siquidem in virtute

Dei ambulat, Psal. 71. v. 16. qui ipsum confortat, Phil. 4. v. 13. & interiori Spiritus S. testimonio roborat, ut glorietur in tribulationibus, Röm. 5. v. 3. certus quod neque mors, neq; vita, neq; angeli, neq; principatus, &c. separate ipsum possint à dilectione Dei, que est in Christo Jesu, Rom. 8. v. 38, 39.

Perturbentur igitur impii, quibus non est pax, Es. 48. v. 22. nos gloriabimur in Deo salutari nostro, canentes cum Ecclesia.

*Ein feste Burg ist unser Gott/ ic.*

II. *Fidei assensione*. Nam creditis in Deum, inquit, & in me credite, qui sum veri & æterni Dei verus & coæternus filius, & per consequens, verus cum Patre Deus. Si creditis hoc, ut quidem antea confessi estis, Matth. 16. vers. 16. utique etiam creditis me omnipotentem, veracem & misericordem esse, quæ Dei veri attributa sunt. Hæc fides latus vobis clypeus erit, quo omnem trepidationem removere poteritis. Est enim victoria, quæ mundum vineit, I. Joh. 5. vers. 4. quam virtutem habet inde, quia tribus columnis innititur, contra quas portæ inferorum non prævalebunt, Matth. 16. v. 18. ut sunt

Primò *Christi veritas*, quæ implet quod promisit, nam cœlum inquit, & terra transibunt, sed verba mea nunquam, Luc. 21. v. 33.

Secundò *Christi fidelitas*, quæ suos ultra vires tentari nunquam permitteret, I. Cor. 10. v. 13. nam miserationes ejus non defecerunt, novæ diluculo, Thes. 2. v. 22.

Tertiò *Christi facultas*, quæ quod vult, in actum producere potest, siquidem omnis potestas ipsi tradita est in cœlo & in terra, Matth. 28. v. 18.

Qui talen fidem habet, non commovebitur in æternum, sed cum Davide in omnibus periculis vires colligere & dicere potest;

potest : Hæc est infirmitas mea , mutatio dextræ excelsi, Psal. 77. v.ii.

III. *Celi promissione.* Nam in domo Patris mei, inquit, mansiones multæ sunt, fin minus, dixisse vobis, quia vado parare vobis locum. Quæ allegoriæ est regni cœlestis descriptio, à speciosissimis mundi hujus palatiis desumpta, quæ certis conclavibus & habitaculis distinguuntur, non quod in cœlesti gloria ejusmodi corporalia sint futura palatia, sed Scriptura in his & similibus ad captum nostrum descendere, & sub imagine rerum, quæ nobis in hoc mundo arrident, vitæ æternæ jucunditates depingere solet, quas alias teste Paulo oculus non vidit, & auris non audivit, 1. Cor. 2. v.9.

Hic non habemus manentem civitatem, Ebr. 13. v.14. sed advenæ sumus & peregrini, sicut omnes Patres nostri, Ps. 39. veri.13. & si vel maximè domuncula quædam nobis obtingit, lutea est, Job. 4. v.19. terrestris est, 2. Corinth. 5. v.1. transitoria est, 1. Cor. 7. v.31. confidite fratres, ibi nobis inhabita dabitur

I. *Domus speciosa*, domus nimirum Patris cœlestis, in qua melius est ad limen sedere, quam diu habitare in tabernaculis peccatorum, Ps. 84. v.11. januæ firmiter obseitate sunt, ut neq; mors, neque ullus alius hostis corporalis penetrare possit, Angeli enim custodiunt illam, Apoc. 21. v.12. Murus, quo domus hæc cingitur, igneus est, & transcendit non potest, Zach. 2. vers. 5. Tectum est tutela altissimi, & obumbratio omnipotentis, Psal. 91. vers. 1. Fenestræ sunt claritas Dei, & lucerna ejus agnus, Apoc. 21. vers. 23. cibus est convivium pinguium, convivium vini defecati, Eta. 25. v. 6. potus torrens voluptatis, Psal. 36. vers. 9. Lectus dulissima requies ab omnibus molestiis, Apoc. 14. v.13.

2. *Domus pretiosa*, propter stabilitatem, quia mansionem ibi inveniemus. Hic in certis omnes vagamur sedibus, 1. Cor. 4. v. 11. sed esse bono animo dilecti, Christus præparavit vobis mansionem in cœlis, ibi bonum erit habitare, Matth. 17. v. 4. quia mors non amplius erit, Apoc. 21. v. 4. sed justi vivent in æternum, Sap. 5. v.16.

3. *Domus spatioſa*, ubi multæ uovæ sive mansiones erunt, non uni vel alteri, sed omnibus electis præparata, siquidem unusquisque sat spatii, sat gaudii, sat præmii, habebit, etiam si numerus in multa militia excrebat. Hinc Anshelmus: hæreditas, inquit, vitæ æternæ in qua cohæredes erimus non minuitur possessorum copia, nec fit angustior hæredum numerositate, sed tanta est multis quanta est paucis, tanta singulis quanta omnibus, δόξα nimirum καὶ ὑπερβολὴν εἰς ὑπερβολὴν, 2. Cor. 4. v.17. ad quam passiones hujus seculi collatae non sunt dignæ, Rom. 8. v.18.

IV. *Reditus assertione.* Etsi abiero, inquit, & locum vobis paravero, tamen iterum veniam, & assumam vos ad meipsum, ut ubi ego sum, vos quoque sitis. Hæc promissio impleta est ratione Apostolorum statim post resurrectionem, Act. 1. v.3. impletur autem ratione omnium fidelium in extremo die, 1. Thess. 4. v.17. Egregia certe consolatio, quæ nos erigere possumus in omnibus ærumnis & tribulationibus hujus seculi. Christus non relinquet nos orphans, Joh. 14. v.18. sed iterū veniet & assumet nos in novissimo die, tunc qui compassi sumus, conreguabimus etiam, & qui comoratus sumus coauivemus, 2. Tim. 2. v.11.12.

Quamvis enim jam nobiscum est, & in medio candelabrorum ambulat, Apocal. v.13. Matth. 18. v.20. omnibus diebus usque ad

ad consummationem seculi, Matt. 28. v. 20.  
ad eoque suo nos auxilio confortat in omnibus  
adversarib; & promissionem implet,  
quâ se obstrinxit, Psal. 91. v. 14. 15. 16. tamen  
in extremo die plenaria futura est liberatio,  
quando corpus nostrum hæmile transformabit,  
ut σύμμαρφος & conforme fiat corpori  
suo glorioſo, Phil. 3. v. 21. & assumet  
electos suos, ut cum ipso fiat in perpetuum,  
Joh. 12. v. 26.

V. *Fidei instructione.* Nam quod ego  
abeam, inquit, scitis, & viam scitis. Quibus  
verbis ipsis quasi in memoriam revo-  
cat, quod s̄ipius haec tenus de abitu suo ad  
Patrem inculcaverat, ne consternarentur,  
quasi insolitus quid ipsis contigisset, sed  
gauderent potius propter commodum in-  
de emergens, Joh. 19. v. 7.

Talem instructionem suppeditat nobis  
sacra scriptura in omnibus fere capitibus.

1. *De abitu necessitate.* Nam omnibus  
positum est semel mori, Ebr. 9. v. 27. Causa  
est peccatum, Rom. 5. v. 12.

2. *De via austerritate.* Nam per multas  
tribulationes oportet nos ingredi in regnum  
cœlorum, Act. 14. v. 22. Sicut Elias in tem-  
pestate magna equis & curribus igneis ad  
cœlum sublatus est, 2. Reg. 2. v. 11.

3. *De termini felicitate,* quod perduca-  
nos illa via, nimirum ad Patrem & Patriam  
cœlestem, ubi πολιτευμα nostrum, Phil. 3.  
v. 20. & animæ centrum, quod in visione  
Dei terminatur, 1. Cor. 13. v. 12. Quis igitur  
perturbetur sub crucis ergastulo? quis ani-  
mum desponeat in mortis periculo? Beati  
qui in Domino moriuntur à modo, Apoc.  
14. vers. 13; beatus qui suffert temptationem,  
Jac. 1. vers. 12.

De Secundo.

CHRISTI consolationem excipit Thomæ  
interrogatio, circa quam duo ponde-  
randā veniunt:

I. *Thematis qualitas*, quod his verbis  
exprimitur: Domine, nescimus quo abeas,  
& quomodo possimus viam scire? Unde  
patet, quæstionem hinc esse de via ad cœlum  
& æternam beatitudinem, quod certè the-  
ma est 1. *arduum*. Multi stultis & inutili-  
bus quæstionibus se macerant, que nil nisi  
lites generant, 2. Tim. 2. v. 23. & ad ædifi-  
cationem, qua est in fide, nihil faciunt, 1.  
Tim. 1. v. 4. sed apage tales quæstiones, &  
si quærere aliquid vis, quærere cum Thoma,  
non quod supra fidem est, sed quod à fiduci  
incrementum pertinet, juxta illud Hiero-  
nymi: Discamus in terris, quorum scientia //  
perseverat in cœlis. Nam Christum dilige-  
re plus est quam omnia scire, Eph. 3. v. 19.

2. *appositum*, quia ad CHRISTUM desertur  
Prophetam illum magnum, in quo omnes  
thesauri sapientiae & scientiae reconditi ja-  
cent, Col. 2. v. 3. Hic optimè respondere  
potest ad omnes sophistications adversa-  
riorum, ut docent specimen, quæ in die-  
bus carnis sua edidit, Matt. 22. v. 24. seqq.

Quoties igitur in rebus fidei scrupulus  
aliquis tibi injicitur, non consule rationem,  
qua certa est, & non percipit ea, quæ sunt  
Spiritus Dei, 1. Corinth. 2. vers. 14. sed ad  
Christum propera, qui responderet tibi ad-  
huc in Scripturis de ipso testantibus, Joh. 5.  
vers. 39. ibi omne consilium Dei nostram  
salutem concernens revelatum invenies,  
Astor. 20. vers. 27.

II. *Responsoris suavitas*, quâ continetur  
1. *Informatio.* Nam ego sum via, ve-  
ritas & vita, inquit Christus, nemo venit  
Z z ad Pa-